

皇朝通志卷一百九

校讐略

五

武英殿校刊二十二史考證

三國志至隋書共二百十三條

三國志魏志武帝東平呂曠呂翔叛尙按袁紹傳作翔監本翔訛詳今校改文帝庚午遂南征注

幽王不爭周道用興監本幽訛幽按幽王謂太王也今據宋本改明帝復置安樂縣監本置訛致今校改陳留王奐傳咸熙元年春正月壬戌檻車徵鄧艾監本戌訛辰按前乙卯後甲子中間不

應有王辰今據宋本改 董卓傳諸阿附卓者皆
下獄死注初蔡邕以言事見徙各本徙訛從今據
後漢書改 袁紹由是勢傾天下注京子湯太尉
監本湯訛陽今據漢書改 公孫瓚傳救至欲內
外擊紹遣人與子書監本子訛手按注有引瓚遣
人告子續之文則手字乃子字之訛今校改 荀
彧傳以功封列侯注諶子閔字仲茂爲太子文學
掾監本文訛字今校改 田疇傳邑五百戶注蕩
析離居靡所依懷監本蕩析訛傷析今校改 管

寧傳動見模楷焉注遭冬雪大至先祖臥不移人
以爲死就視知生監本作就視如故今校改王
朗傳進封樂平鄉侯注釀酎必貫三時而後成各
本酎作醑按酎音宙說文曰三重醇酒也西京雜
記漢制嘗以正月作酒八月乃熟名曰酎所謂必
貫三時而後成也今校改杜畿傳閱七聖而課
試之文不垂諸本閱訛關今據冊府改掇其切
世大事著於篇注弟寬字務叔監本弟訛子按恕
字務伯理字務仲寬字務叔皆兄弟也韓愈杜中

散墓志亦云季子寬可知子字爲弟字之訛今校
改 徐晃傳封高唐亭侯按注引魏書云文帝卽
位封靈郇侯又云於是更封高唐侯則此亭字係
衍文 閻溫傳父子著稱於西州注及其到官遣
吏奉牋謝尹監本遣吏訛邊吏今校改 劉廙傳
難用筆陳注屈而從人於治雖失計其聲譽必集
也監本屈訛闕今校改 陳羣傳南安太守鄧艾
監本南安訛汝南按鄧艾傳云出參征西軍事遷
南安太守非汝南也今校改 和洽傳太祖定荆

州監本定訛奪今校改 趙儼傳東兵未到監本
東訛策今校改 孫權寇邊征東大將軍曹休統
五州軍禦之監本曹休訛曹仁按曹休傳云帝征
孫權以休爲征東大將軍仁未嘗爲征東也今校
改 高唐隆傳周禮天府掌九賦之則以給九式
之用按周禮太府掌九貢九賦九功之貳以受其
貨賄之入則九賦太府職也此云天府誤又九賦
監本訛九伐今校改 鄧艾傳令淮北屯二萬人
淮南屯三萬人十二分休常有四千人且田且守

監本四千訛四萬按淮北二萬淮南三萬共五萬人以十二分休計之止應四千有奇不得云四萬也今校改 鍾會傳不復追改注中書令劉放監本劉放訛劉表今校改 烏丸鮮卑傳鮮卑注嘉平六年遣護烏丸校尉夏育破鮮卑按嘉平疑當作熹平此敘靈帝時事嘉平乃本書齊王芳年號也 蜀志劉璋傳由墊江水詣涪去成都三千六十里按鄧艾傳云徑漢德陽亭趨涪出劍閣西百里去成都三百餘里此云涪至成都三千餘里三

千乃三百之誤 先主傳歸曹公曹公厚遇之監
本厚訛後今校改 曹公南征表會表卒按建安
十三年秋七月公南征劉表八月表卒此繫於十
二年二字當是三字之誤 治公安注備立營於
油口改名公安監本誤作公安縣今校改按油口
宜作油江口然是注已見於前曹公引歸之下此
處亦不應重出 大破淵軍斬淵郃按張郃死於
建興九年此云淵郃應誤按華陽國志云斬夏侯
淵張郃率吏民內徙則此郃字及曹公所署益州

刺史趙禹等之下爲有脫文郤字非衍也通鑑刪
郤字而以斬淵屬下及字讀亦誤涪陵屬國民
夷反車騎將軍鄧芝往討監本鄧芝訛鄧艾今校
改諸葛亮傳遂詣曹公注聞元直廣元仕財如
此各本俱作聞元直龐仕元財如此按龐仕元無
事魏事廣元蓋石廣元也今校改深入不毛注
瀘津水監本津作惟按水經注禁水北注瀘津水
則惟字係津字之訛諸葛瞻其明年爲羽林中
郎將監本羽林訛翰林今校改董厥傳延熙二

十四年以校尉使吳值孫權病篤按後主傳延熙
十五年吳王孫權薨此何云二十四年病篤耶且
延熙只二十年明年改景耀據此當是十四年誤
衍二字 關羽傳傳士仁屯公安按士仁字君義
廣陽人也孫權傳云獲將軍士仁呂蒙傳亦云士
仁糜芳皆降是士仁卽其姓名此傳加傳字應衍
龐統傳由是漸顯注德公字山民亦有令名娶
諸葛亮小姊爲魏黃門吏部郎按後漢書注作德
公子字山民可知仕魏者非德公也此脫子字或

字字卽子字之訛 有似汝南樊子昭注退能守
靜進能不苟監本上能字訛難今校改 費詩傳
左遷部永昌從事注夫創本之君侯大定而後正
已篡統之主須速建以係衆心監本訛作須大定
侯速建今校改 姜維傳維前住芒水監本芒訛
亡楊戲傳亦訛今據鄧艾傳改 吳札鄭僑能喻
斯好監本僑訛有今校改 自稱益州牧以叛注
徐欲殺會盡坑魏兵還復蜀祚監本還訛遠今校
改 吳志孫權傳虜得男女注文士傳曰監本土

訛字今校改

劉繇傳因酒酣殺昱監本酒酣訛

阻誅今校改

後策西伐江夏監本西伐訛路住

今校改

孫靜傳壹入魏黃初三年死按孫亮傳

云太平二年夏口督孫壹奔魏魏志高貴鄉公紀

云甘露二年魏以壹爲侍中車騎將軍假節文州

牧吳侯四年十一月癸卯車騎將軍孫壹爲婢所

殺此云黃初三年死疑誤或黃初二字衍蓋壹甘

露二年奔魏甘露四年死適當三年則云壹入魏

三年死於文義亦合

步騭傳權遂命騭上益陽

監本遂訛逆今校改 呂蒙傳權時住陸口使魯

肅萬人屯益陽拒羽監本魯訛普今校改 周泰

傳惟泰奮擊投身衛權監本訛作奮激沒身今校

改 潘璋傳禁令肅然好立功業各本業訛夫今

校改 朱異傳本知季文猶定見之復過所聞監

本猶訛憎按憎訓悶訓惡與語意不合應作猶言

其狡猶也今校改 全琮傳更以奇之注斯亦馮

諼市義監本諼訛媛今據戰國策改

晉書宣帝紀其先出自高陽之子重黎爲夏官祝

融按左傳重爲句芒黎爲祝融一出於少昊一出於顓頊是重黎爲二人而史記楚世家及太史公自序竟以重黎爲一人此書及宋書衛瓘傳云大晉之德始自重黎皆昔人相沿之謬也 元帝紀

有司請市雀釵監本雀訛崔按晉令六品以下得服雀釵據此改正 天文志左旗九星在鼓左旁

按此句下應脫右旗九星在牽牛北八字 南河

曰南戌按天官星書戌當作戊卽斧鉞之義下北河曰北戌及兩河戌閒河戌動搖俱倣此 律歷

志在前限餘前在後限後者月中道也按後限下
當脫餘字 五行志京房易傳曰聞善不予茲謂
不知諸本不知訛有知今據易傳原文改 和嶠
傳永康初策謚曰簡監本康訛平按永平二年卽
太熙之元年而永平之二月卽改永熙至三月而
復改元康上文旣云元康二年卒則元康之後安
得復稱永平定屬永康之誤今校改 段灼傳魏
文帝率萬乘之衆受禪於靡陂按綱目漢後主建
興十一年春正月青龍見魏靡陂井中水經注摩

陂在邾縣縱觀可十五里此靡字當係摩字之誤
陶侃傳追贈大司馬假密章按本書山濤傳策
賜司徒密印紫綬侍中貂蟬新沓伯密印青朱綬
此云密章當是蜜字之訛 郭璞傳是爲舉事必
有成也於是勸帝討敦初璞每言殺我者山宗至
是果有姓崇者監本是爲舉事之下有姓崇者之
上其脫去二十二字今據宋本補 韓伯傳其於
遣情之累緣有弊而用各本脫情字累字今據本
集補 毛璩傳俄而季之述等皆病各本等訛之

按上文云征虜將軍甄季之建平太守羅述不應
作述之也今校改 王長文傳長文通玄經未遭
陸績君山耳各本山訛出按漢書桓譚字君山今
校改 殷仲堪傳頃聞抄掠所得多皆採稻饑人
監本稻訛樵今據本書音義改 張軌傳軌遣北
宮純監本純誤屯今從下文軌遣北宮純等率兵
衛京師句改 李密傳昔舜禹皇陶相與語故得
簡雅大誥與凡人言宜碎監本簡雅大誥訛作簡
大雅誥按三國志陳壽表咎繇之謨畧而雅周公